



Partii Inuit Inatsisartuni

16. OKTOBERR

UKA 2013 / 21-1
RANDI BROBERG

Nunat Avannarliit Killiit Siunnersuisoqatigiiffiata Savalimmiuni Naalakkersuisut, Kalaallit Nunaanni Naalakkersuisut aamma Islandimi Naalakkersuisut kaammattorpaat suleqatigeeqqullugit allaaserisaqartarneq atuakkiortarnerlu nukittorsarniarlugit nunani ataasiakkaani atuakkiortut peqatigiiffii suleqatigalugit atuakkiortunut siunissamilu atuakkiortunngorumaartussanut allassinnaanermut pikkorissarnernik peqatigiillutik aaqqissuuseqqullugit Nunat Avannarliit Killiit Siunnersuisoqatigiiffiannut aallartitat siulittaasuata aalajangiiffigissassatut siunnersuutaa Partii Inuit ima ittumik oqaaseqarfioqissavarput:

Inuiaat sumiikkaluartulluunniit kinaassusersineqartarnerat tamatigut oqaluttuatoqqat qangaaniillu naleqartitat aallaavingalugit inuusaaseqarnerup ersersineqartarnera aammalu tamatumingga ataqqinnilluni tammatsaaliiniarluni atuakkiortoqartarnera pissutingalugu ullutsinni ilisimasassat pingaarutilit ingerlatseqqinneqartarput.

Atuagaq tassaavoq ilisimasassat toqqorsiviat, pisut qaqugullukkuunniit ineriartornerup nassataanik kinaassusermik allanngortitsilersimappata kinguaat aammalu kinguaassat allarlunnarmik pingaartitaqalersimangaluarpatluunniit.

Taamaattumik Nunat avannarliit killiit; savalimmiuni , islandimi nunatsinnilu naalakkersuisuisa atuakkiorneq pillugu qularnaarinnittumik nukittorsaanissaannik suleqatigiittoqarnissaa pillugu kaammattuut Partii Inuit tamakkiisumik tapersorparput.

Partii Inuit immikkut pingaarutilittut kaammattuutigissavarput Nunatsinni kulturikkut aaqqissuussaaneq tamakkiisumik ataqatigiisinneqarluni politikikkut aaqqissuussaana siunissami qaninnerpaami toqqamaaviussasoq nunanik allanik sumiikkaluartunilluunniit suleqateqartarnissamut.

Taamatut oqariartuuteqarnitsinni pingaartillugu oqaatigerusupparput isumaqaratta Kulturikkut aaqqissuussaaneq ullumikkornit politikikkut anguniakkani sallahsanut ilanngunneqartariaqartoq, tamatuma nassatarissammagit Inuiaat kulturikkut



Partii Inuit Inatsisartuni

aaqqissuussaaniemik pingaartitsisut, eqiingasut tamatumingalu annertusingaluttuinnartumik aningaasarsiornikkut ineriartortitaqalersut pilersissagatsigit.

Kulturi pineqartillugu eqqarsaatigaagut Nunatsinni Nipilersortartut assigiinngitsut, erinarsoqatigiit assigiinngitsut, isiginnartitsivinni nipilersorlunilu tusarnaartitsivinni Scenemi qullilerinernik nipilerinernik assigisaannillu suliaqartut, Filmiliornermik assilissanillu suliaqartut, qalipagalerinernik titartaanernik assigisaannillu suliaqartut, Qiperuinernik ilusilersuinernillu suliaqartut, isiginnaartitsinermik qitinnermik quisaarinernik assigisaannillu suliaqartut, atisaliornermik suliaqartut, minnerungittumillu taalliornermik aammalu atuakkiornermik suliaqartut ataatsimoorussamik aaqqissuussaanerulernissaannut pimoorussilluni sulinissaq piffissangortoq oqaatigisariaqaratsigu.

Taamaammat suliassanut pissanganartumik nuannersumillu inooqatigiinnerup immersorneqarnissaanik ineriartortisunik sunilluunniit suliassat qaqinneqartillugit partii Inuit sutigut tamatigut tamakkiisumik nuannaarutingalugit tapersorsortassagatsigit oqaatigissavarput. Matumanilu aaliagiiffigisassatut siunnersuut Partii Inuit tamakkiisumik taparserparput.

Qujanaq